

ديوان


الناس في بلادِي

للشاعر / حازم حجاج



حقوق الطبع والنشر محفوظة

لدار الأدباء



اسم الدار	دار الأدباء للنشر والتوزيع
اسم الديوان	الناس في بلادي
اسم المؤلف	حازم حجاج
رقم الإيداع	(٢٠١٧/٢٦٧٦١) بدار الكتب المصرية
الإخراج الفني	دار الأدباء. (عبدالرحمن الصباحي)
الغلاف	من تصميمات الدار

((الأهداء))

الى معلمي وقدوتي الذي أنار أمامي الدرب
وشجعني لأن أخرج عملي الأول للنور
الى الأديب والشاعر : وليد درويش ..
راعي الأدباء
له مني كل تقدير وامتنان .

الشاعر / حازم حجاج ..

بلدي...!!

يا بلدى وقت الضيق مليانه رجاله
وقفين على حدودك ما يعرفوا نداله
فى ايد شايله السلاح والتانيه شغاله
عين بتحرس حدودك وعين خاشعه سياله
يا بلدى صفة الامان فيكى بتتعالى
ياما قالوا فيكى البدع برضوا لولادك مياله
صابره ومستحله اللي عايش عاليه
ياما خلق ضحت بروحها لجل غيرها يعيش
وتلقى عبيط الفكر قاعد يلوم ع الجيش
قاعد ياكل فى خيرها نايم يعتب مفيش
من امتى اكل العيش يطمر فى النداله
خفوا الملام مش كده يا خلق هذاله



صراخ ..!!

جوايه احساس غريب ومدفون نفسي حد يسمعه
الاه بتصرخ جوه منى وصوتها فى شئ يمنع
وانت بعدك يا حبيبي سياف ع القلب يقطعه
انت غاوى تروح وتبعد بس امتى قلبى ترجعه
ياحبيبي جوه منى نار بتحرق من الفراق
امتى تيجى جنب منى تلضم خيوط الاشتياق
خايف تكون مستغنى عنى
خايف اكون سبب الفراق
خايف تشوف فى الغربه غيرى
تنسى انك انت طبرى
تنسى قلبى اللى من حبك انت ياما داق
ارجع حبيبي بكفياك لوعه ودلع
حن يوم وارحم دموعى من الوجع
طفى نار قايده فيا اوعى تكون غاوى الجشع

الفجر بان ضيه !!!

تاهت منا معالمنا
تاهت روح كانت حره
قفل الطوق في معصمنا
حياتنا خلاص بقت مره
شفنا الذل بعد العز
شفنا الفجر بان ضيه
لقينا الفجر مليون ذل
عايز يعيد فينا الكاره



كاسات الهم !!

يا شاربه الهم كاسات في ايه بس مالك
تملى شاكيه الوجع والهم راس مالك
لا نافع معاكى بكى ولا ضحكك عدل حالك
بتبكي على اللى بعد ولا على اللى غاب
تهون او جاع الزمن الافراق الاحباب
الفرقه هم كبير تدمر الاعصاب
قلبك نازف دموع حتى فؤادك شاب
انسى الهموم مش كده لتروح مع الاغراب
لا البكى هيفيد ولا يغير الاسباب
كفايه هموم وبكى ارجوك كفايه عذاب
يا ورده لا تدبلى زيني هنا بستانى
فوحى بعطرك وانجلى يا عطر ربانى
يا حلوه ميلى برقتك ارجوكى على شانى
انسى الهموم مش كده ربك على الجانى

جمال أصلك ..!!

فيكى البلى م الراس حتى تحت خصرك
نهرك ملاه الجيف تاه منك جمال اصلك
بقيتى ليه فى القاع عصرك فنا عصرك
يا عامله خدك مداس لكل ايه صابك
توبك بقى مرقعه صدت قفال بابك
كساكى فجئه الشيب فقدتى ليه شبابك



داسو عليهم !!

داسو عليهم بغدرهم
بيكلوا عيش ايه ذنبهم
لا هما سلطه ولا هما جيش
دول ناس غلابه على كدهم
انسان بيحري على اكل عيشه
عشان ولاده ليه تحرموه منهم
يا خلق خاينه
يا خلق جاهله
يا خلق الغدر في طبعهم
باي دين بتقتلوا ناس تكافح زيهم
باي دين بترهبوا اصحاب عقيدة كلهم
لكن يا خاين انتظر بكره هيحي حقهم
لكن يا خاين انتظر بكره هيحي حقهم

يا بحر..!!

يا بحر كلك معادن ليه زاد الاجيج على الوش
الكل فيك بقى مناضل وصافيك ليه مليون غش
قالى الزمان اختلف وهرب النفيس م العش
وعلشان تعرف تعوم لازم تنافق وش
يا بحر بكفايه وش شوف فين اصيل معدنك
زمن النفاق فيك هلك وطرطش علينا ورش



ظالمنى !!

يا ظالمنى وانا راضى بظلمك
ياساكن فى الهوى طيفك
ياساكن فى القلب نار حبك
يكفينى بس انى اشوفك
حبيبى بتمنى عتابك
ربيعى بيحى بقربك
امانه ما تسد بابك
خلينى طول العمر جنبك
انت املى فى الدنيا ديا
انت روحى ونور عنيا
انت يا اجمل هديا
تسوى ايه الدنيا بعدك

حبيبي لما نتخاصم

بلاش عنى يغيب طيفك

يا ظالمنى عاتبنى وانا راضى

وتحت امرك وعلى كيفك

ياما قلبى شاف العذاب فى حبك

لكن بصبر وقول دى لوعة الاحباب

ياما عيونى باتت حزينه

حتى النوم ما كان غلاب

حبيبي عاتبنى وانا راضى

ما يزيد الحب غير بالعتاب

حبيبي تعالى نتصالح

دنا قلبى فى عز ربيعته دبل و شاب



نار البعد ..!!

نار البعد مين غيرك يطفئها
نار قايدة ما يدرا غيرك معانيها
حبيبي تعالى لروح عطشانه اروئها
هجرك طال واحلامى زادت امانئها
كفايه بعاد ..

العمر بيجرى وحياتي انت ما فيها
ليه غاوى عذاب وليه روحى تجافئها
الحب دبلت وروده
وزدت البعد كلامك تاهت عهوده
قلبي شاب من الهجران
وفكرى داب من الحيره وم الكتمان
حبيبي صابر على الحرمان ودبل قلبي على عوده



يا حارمني من لقا روحك كفايه عناد
يا حارمني وانت عنى بعيد كفايه بعاد
ليه تأسى عليه ليه بعدك
ليه ساينى فى نار انا بعدك
حبيبى تعالى وهات قلبى ليه هجرك ذاد
حبيبى تعالى لروح عطشانه ارويه
هجرك طال واحلامى ذادت امانيه



وردة قلبي ..!!

يا ورده ونابته في قلبي وداري
يا نسمة بتشجى في ساعة العصارى
يا زهرة بنفسج يا انقى اختياري
يا مشاركه حياتي
يا دقة سعاتي
ايامى بيكى تحلى يا غاليه يوماتي
يا زينة صباحي
يا قصة كفاحي
يا ملكاني كلي يا مداويه جراحي
يا قدرى ونصبي
يا روحى وحببي
يا زايدى لهيبى يا مطفيه نارى
يا نجمة علالى
يا ضى الليالى
من غيرك يا عمرى تطول الليالى

تايهين ..!!

نتوه في قلب الزمن والعمر يدوب ايام
العمر عقد انفرط ما باقى غير اوهام
الغش مالى البشر زاد البشر انسجام
تاهت معالم الخلق تاهت طباع واحكام
في دنيا فيها الردى من غير رباط ولجام
مين اللى قال الراحة في الدنيا
الشر ايام وساعات والخير يدوب سنيا
الراحة ما نلقاها غير بس في احلامنا
تشوف طباع الناس تسود ايامنا
طولنا في الحلم وعشنا في الراحا
لمحونا في الراحة قاموا لغوا الاحلام

خط القلم ..!!

ياما ناس بسن القلم خطت كلام وحروف
كلام رزين وعجب وكلام غير مألوف
وحرف عديم الادب وحرف يسوى الوف
وناس رغم صغرها حكيمة فى اى ظروف
وناس كبيره بعلمها من غشمها تجنى قطوف
لو انت غاوى العتب ما تعاتبش على المكشوف
عاتب بلاش لينا تفضح واكسب فينا معروف



الأرض الطيبة !!

يا حارت ارضك بفاسك
زرعك دبلان و هذيل
بخلك هو اللي داسك
ولا هيافتك دليل
يا تزكى وتجود على ناسك
يا تلقى زرعك عليل
اطباع و متلونه ولكل طبع كتاب
مسكين دطبع البشر فيه الطمع غلاب
طماع وظنه فيها انه ما يبقى تراب
تملى يدوس الخلايق ما يفرق معاه احباب
ما غير رزقك تاخده يا ابن ادم وكله بالاسباب
تنصح لحد الغروب تلقى الطبع فيه دباب
الطبع غالب التطبع والحجر ما يعدل ديول الكلاب

مين هيحس بيك ..؟؟

مين يحس بيك ياللى الوجة داس لك فى كل طريق
لا حد طبطب عليك ولا كلمة سمعتها تبل ريق
اشكى وجعك للى رزق الدوده فى قلب الحجر
دمهما زاد الالم والجرح اتجبر عليك او فجر
ربك كبير بحكمة يفرجها وقت الضيق



يا غربتي ..!!

يا غربه بزياده زدتی فینا العیا
العمر بیکی جری والقوس کمان انحنأ
مکتوب علینا البعاد کاتبه علینا العنا
یا غربه بزیاده دا العمر فیکى فنا
جریت معاکى سنین ادور علی قوتى
خدتی ربیع العمر دبلتی لیه صوتى
یا غربه قولنا جای لیه بس ما تفوتى
موتى احدى سنین لتکونى سبب موتى
یا غربة توهتینى عن داری ودواری
لا داری فین مسکنى ولا من الهموم خالی
شوفنا فیکى الامل لقینا التمن غالی
صیاد رمى مغزله قاله السمک اصبر
قعد الحزین علی امل لقی السمک یغدر
لا نفعه یوم مغزله ولا نهرة قدر یعذر

بياعين الكلام !!..

باعوا الكلام بالاونطه علشان يكون ظهارا
جاهل يأدن في ملطه ديا به ساكنه المغاره
قالوا نوب عن الناس ومنافقين في هواهم سكاره
تعبت تلوم يوم عليهم تسمع عزف القيساره
ما تقولى ايه اتولد فيها من يوم ما اخدوا الاماره
كلامكوا على الورق مرسوم فاشليين في فن الاداره
يا خلق قولوا العقل فين حرامى يحرس عماره
زانوا الكلام ع الخلايق والخلق فقدت طريقها
قالوا خدونا نوايب داحنا اللي هنبل ريقها
حديدها ساخن وبادر قالوا نقدر دحنا اول طريقها
فجئه تاه الحديد وما باقى غير اللي سارقها

طريق الحبايب !!

كل لما نبعد ويطول طريقنا عن الحبايب

نعيش في حيره ونار تدوب قلب دايب

امانه يلى مسافر قريب

وصل حبيبي انى فى بعده شايف العجايب

ان فى بعده الليل يطول والفكر ديما شارد وغايب

عايش فى لهفه وشوق اليه

عايش فى وحده والعمر لحظه

اخاف يمر ما اشوفه تانى وابقى فى توها بين الغرايب

وقوله همسك تملى سامعه

وقوله حضنك ع الجسم علم

وقوله نبضك ساكن وريدى

لكن يا سيدى بعاذك عنى خلى فى قلبى النار لهايب

نهر الحب ..!!

نهرك فياض للغريب
ليه القريب تجافي
ده ساكن ع شطك غرايب
وتملى ريك ما جافي
نهشين فى بيرك ما يدروا العيب
ليه تيجى على ابو قلب صافي



هروب ..!!

مين .. من الحب قدر يهرب..؟

لدنيا ما فيها ناس عاشقين

وأصل الحب بعتابه

قادر يزيد في الحب حين

ومين ع الهجر كان قادر

ومين في خصامه ما سهرت عين

ولو على البعد يوم تقدر

انا ما اقدر انام وفؤادي كله انين

حبيبي تعالى نتصالح حبيبي ما تبعد في يوم عنى

حبيبي حب وتسامح وخلي الطير بحبنا يغنى

يا روحى الهجر شئ جارح وبعذك عنى يقتلنى

عويل وحاله اتقلب..!!

مرايح ملك أرض بقى يأمر ويتشرط
من بعد عيشت الذل بقى فى الخلق بيخرط
عويل وحاله اتقلب والعيشه صبحت عال
وبايه يفيد المال ما دام على بطنه بيقرط
اللى اتولد فى الجوع الشح فيه منبعوع
صحت هفايا الزمن زادوا الخلايق جوع
قفلوا منابع الخير وتاجروا فى الممنوع
اللى يدوق الحرام عمره ما ينوى رجوع



مكانك في القلب !!..

معقول يكون في القلب لك مكان

بعد ما سكنه صحابه

طب كنت فين من زمان

قبل ما افكر في يوم وسد بابہ

جای بعد ما زاد حنينه

جای تعاتب ليه سنيه

جای تعذب ليه صحابه

بالهداوة يا حبيبي حبي له مكنش ليله

ليه تفكر بس انسى كل ايامي الجميله

الامل والذكريات عمرها ما كانت قليله

كل يوم فات عليا كانت تهون كل ايامي الثقيله

جای تلمني في هوايا خلاص حبيبي ما بيدى حيله

احتراروا فيك الاطبه..!!

احتراروا فيك الاطبه ما لقيوا دوا حالك
لا نفعك في يوم الاهل ولا جاب دواك مالك
ربك كبير له حكم قادر يعدلها
خليك ذليل في الدعا راح تلقى دواك جالك
جريح رماه الهوا على سل جريد اخضر
تاه الوجع جواه ما عاد داري ايه اخطر
راحوا لطبيب الجروح قال على جرحه انا ما اقدر



دموع العين !!..

تشوف الشمع يدوب بالنار عشان يسعد ناس تانيين
وصوت فى الليل يئن بحزن على فرقت الغالين
ودمعة عين ما تشوفها غير فى قلب حزين
ولما الناس تشوف ضحكوا يقولوا منه ما فى اتنين
اتارى القلب مليون حزن بيصرخ قلبه قبل العين
ودنيا غريبه بطباعها ما تعرف طعم الراحة فى
ولما الناس تشوف الصبر يقولوا جاب الصبر منين



زيدوا الوجع !!..

بتزيدوا فينا الوجع والحق ليه مدبوح
بتيجوا ليه ع الجدع صوتو بقى مدبوح
خفوا العتاب مش كده القلب مبلى جروح
وبايه يفيد البكا.....وبايه يفيد النوح
بكفايه ملام مش كده ده عايشها حلاوة روح



ابنى مات..!!

ابنى مات ولا ما متش ولا ايه يعنى شهاده
كان يقولى خلى بالك دفاعى عنها من العباده
كنت اقوله يا بنى اقعد املى عينى فيك زياده
فجئه غبت عنى يا بنى مش باقى غير بس البياده
ضى عينى يا ولدى غاب ونسيت خلاص طعم السعاده
غدروا بيك الغدارين ارهاب يا ولدى عايز اباده
كنت تقولى هحميها زين ان مت يا ما شهادتى قلاده



ليه الزمن ينعاب !!..

قالوا العيوب في الزمن ليه الزمن تعيبوه
العله في الخلق واضحه والولد يشبه ابوه
اللى يقول الحق لازم يكون مكروه
زمن النفاق ابتدا والحق خلاص تربوه
في زما النهر عطش قالوا م الزير اسقوه
شمس النفاق شارقه واضحه والحق ليه غربوه



غاوى تعب...!!

يا شعب غاوى التعب يوماتى يتسلى
الكل عامل سياسى ناقد بيتجلى
فاكر هموم البلد بالذكر متحلى
ايه الحلول يابشر ذدتونا بالعلى
خفوا الملام مش كده او خفوا م الكوله
يا شعب فى التوها مبلى بقاله سنين
الكل بقى ناصح ومشاكله حاللها زين
فاكر عيوب الناس وعيوبه بعيد العين
الكل مبلى مشاكل ما يدري حلولها فين



الدنيا فياضة !!

دنيا كما النهر يوم فياضه ويوم جافه
فيها الضفاف يابسه مرويه بالعافيه
ناس مليها الوجع من الراحة ما هي دافيه
دنيا وحالها عجب بتزيد على المهموم
ترمي الاصيل في القاع تلقى العويل يعوم



۱۰۰ ورده ..!!

میت ورده علی خدك
بتسقى الدم فى وریدى
واشوف نظره فى عیونك
اشوف فیها هلال عیدی
اشوف البدر لون وجهك
رباط عشقك صبح قیدی
نور الضحكه علی سنك
شرح قلبی زاد سکونى بتنهیدى
يعجز شعری عن وصفك
یا مالکة قلبی بین ایدك



قدرى ..!!

ما بين الناس انا قدرى اعيشها غريب

غريب فى بلادى والغربه بتشبه طفل كساه الشيب

رجلى تعرف مناكبا ما تغمض عينى انا كالديب

راضى بحالى انا فيها ولقمة عيشى ما تعرف عيب

ياما نشوف يا ناس فيها يوم طيب ويوم مفهش ريحة الطيب

وخلق الوان على الوان دى فيها الصافى وفيها اللى امره عجيب

ما بين الناس انا قدرى اعيشها غريب



وليه ترحل...!!

والفين جرح بوداعك ذدوني هم
ونور عيني نقص ضيه وزاد الغم
وليه ترحل بدون مواعيد
وليه قاصد تكون عني انت بعيد
ما كنت تقول لجل اشبع انا منك
دكانت الدنيا ما تضحك الا بسنك
انا لو اعرف الجاي ما كنت فارقت يوم عيني
كده ترحل كده تغيب كده تسبني يا نور عيني
ده كان سندی وكان كتفه هنا بكتفي
وكنت ارمي حملي عليه يقولي رضاك بس...يكفي
ليه فجئه الدنيا تغدر بك وتغدر بي
وليه تكره يكون قربك هنا قربي
ما انسى عيشك ولا ملحك
ولا تغيب عني انا ملامحك
ويكفيني انا الذكري وعلى فراقك انا مسامحك

دود الارض...!!

دود الارض طلعله اسنان

فكر روحة من التعابين

وليه اللوم على انسان

يشبه شوكة فى قلب الطين

وليه نعتب على العايب

ده عمر الشين مايبقى زين



توب العويل !!..

ميت رقعه فى توب العويل ظاهرين
ده هربان فى بلد الغرابه
من امتى العويل فعله كان زين
ما تلقى منه غير السبابه
يا خلق قولوا العقل فين
خروف هينطح ديا به



على كل لون هنشوف..!!

على كل لون هنشوف وشوش طول ما البطون حباله
هنشوف دنائه وتشوف خسيس نسوان في صورة رجاله
يرموا بلاهم على الاصيل مستنتى عايشها عواله
من امتى كانت الاسود تخاف من نبج الهذاله



عيش وملح !!

يربطني عيشك وملحك اسكت وما اتكلمش
مهما يزيد فيا جرحك ودك عليه ما اندمش
حبل الوداد باقى وصاله اجرح و متعلمش
مليت كساتى سم قاصد تدوقنى
راضيه انا منك منا سلمتلك دقنى
راضى اموت بأيدك علشان تصدقنى
وجع الحبيب موجه على لخبطلى انا شانى
يا مزوقين الكلام قولولى فين القاه
عايزين ننول الرضا ويسكن فؤادى معاه
يكفينى نظرة رضا انسى بيها الاله



يا دنيا ..!!

يا دنيا عيب اختشى بتزیدی لیه فی الدلع
سهم الحبايب ان جرح یکتّم جوانا الوجد
خفی الدلال مش کده هتهدی اجدع جدع
الحر لو یوم اتکسر صعب تلقیلوا مرتجع
یا عاشقة صوت النای علمتی قلبی الحزن
فکی اساورک بقی ارجوکی لو فی اذن



الزرع ناقص ري !!..

جنى السبل على الابواب والزرع ناقص ري
وزراعين السبل ساقوا الهبل وحجبوا حتى الضى
دنيا وحاله عجب قاصده تهين الحر
واللى انكتب انقضى زيدي كمان الكى
راضين بحكم الزمن لا نملك فى امره شى



مر الكاسات !!..

صب الزمن كاساته حلو ومر وذاد في المر
وتاه في الزمن ده معالمه وتاه الغر
بتزرع خير وترويه حب ليه ينبت شر
ليه في التوها ما نفرق بين العكر والصفا في الدر



الهم بالكيه !!

دنيا وفيها الهم بالكيل
والدمع على الخد سايل
من جراحها تعبنا شيل
وجروحنا تملى شوائل
أصبر على غدر الزمن
ربك قادر يعدل المايل



يا مزوقين الكلام ..!!

الكل مزوق كلامه لكن فعل مفيش
والنقد سلو بلد والكل بقى درویش
شعب غاوى مظاهر يسكت بكم بقشيش
شعب ان طال مناصب ما تلقى غير تهيش
يا شعب يغوى العيبه على عيوبه غاوى تطنيش
يا شعب عايش فى تيخه تايه من التحشيش



مجروح !!..

وليه منك اكون مجروح
وليه نرفي يكون منك
دنا عايش حلاوة روح
بترجع روهي بشوف سنك
وليه تقصد يغيب طيفك
وليه عذابى يكون كيفك
دنا دقاتى ما تحلى الا بشوفك
انا المجروح وانا جاهز
يبقى وريدى حدا سيفك
وليه منك اكون مجروح
وليه نرفي يكون منك
دنا عايش حلاوة روح



بترجع روحى بشوف سنك
وليه تقصد يغيب طيفك
وليه عذابى يكون كيفك
دنا دقاتى ما تحلى الا بشوفك
انا المجروح وانا جاهز
يبقى وريدى حدا سيفك



حسبة بورما..!!

تاتا تاتا يلا خطى

وحده على وحده وطفى

فى الكلام كله نبطفى

امه نايمه شد غطفى

امه تاهت عن طريقها

بورما تايهه بلوريقها

ولا خايفين م اللى زيقتها

ديننا برضو اصله دينها

بورما حسبه من زمان محسوبه بورما

وابن دينك فى الميدان معمول شاورما

وانت تايه فى البارات عامل ابن هرما

شوفت بورما.... ايوه بورما.... حسبه بورما

فيلها هندی وامریکانی او ماسونى او لاوندى
كله ساكت بالسیاسه مره عندك مره عندى
السیاسه دى نجاسه والمصالح فوق العقیده
ممکن تضحى بابن دینك لو حتى هندی



نزيف الدمع !!..

اوقف نزيف دمعك
فقد مات العرب والعجم
لا ماض يعود زمانه
مات ابن عاص والمعتصم
اوقف نزيفك من البكاء
فقد كسيت نخوتنا شيبا
والدين فينا قد هرم
كفكف يا ولدى لا تصرخ
العرب لا تدرك الا اللهو واللعب
اخدودك حفرته البوذا
وتاريخك اصبح منصرم

جنينا ع الحب...!!

مين فينا اللي جنى على الحب
انا ولا انت ولا ده طبعه
وليه حبنا صبح مقتول
ومين الفاعل ومين مفعول
الحب ولا اتنين بكلامهم المعسول
ومين دمر ومين فى بعده كان اسى
ومين عن الهجر كان مسؤل
حبيبى كنا نتقابل فى دنيا
ما فيها غير اتنين انا وانت
وانا وانت كنا حكاية
يحكيها العاشقين انا وانت
وكنا لما نتقابل الاقى الدنيا فيك انت

وتصرخ اها في ورده
صحت طعمه في حنضل
والفين اها مكبوته لورده
ما باقى فيها غير قندل
وزاد المر وسكن فيها
والورده اصبحت خردل
يغيب عنك صدى صوتك
تزيدى الامك بسكوتك
يبان الجرح فى عيونك
يبان فى دمه مكسوره على خدك
يبان فى ضحكه من غلبك
يبان فى صبرك على ولدك
وطعم المر بقى زادك وبقى كدك



مهما طال البعد...!!

دمهما طال بعدك عليا
وبعدت عنا المسافات
تملى طيفك قصاد عينيا
المحه...
يزيد فى قلبى انا دقات
انت جنبى ومش بعيد
نبض صوتك حتى همسك
حتى سرك للنجوم
تملى سامعه
تملى بصعب ع النجوم
تكشلى صرخك والاهات
يجى ليلى يزيد حينى

القيني باحلم والمسك
اخاف لنور الصبح يطلع
القاك بعيد..

الاقى حلمى اصبح شتات
ومهما طال بعدك عليا
تملى طيفك قصاد عنيا
يزيد فى قلبى انا دقات



طمعان في بكره !!..

انا الطمعان انا في بكره
يكون اجمل من البارح
سواد الغيم سكن دربي
ونور الشمس ما طارح
وحتى النور صبح ذكرى
وصوت الباطل عالي وجارح



طواف !!..

ياما نفسى ازور البيت واكون من الطواف
يا رب انول مطلبى وازهد كما الاصواف
يا زايرين البيت ادعولى اكون منكم
يا ما نفسى ازور النبى وبقى انا وانتم
واسعى ما بين الصفا واشرب مياه زمزم
واكون على عرفات وهناك انا هلزم
وارمى انا الجمرات لابليس كمان و العن
واروح مدينة النبى اسكن انا الروضه
وقول صلى ع النبى يا رب وبعوده



شایل همومی جبال !!

بصرخ یا ناس م الوجع
وروحی کمان قصرت
شایل همومی جبال
وعقولنا خلاص فصلت
لیه دموعی متعوده تجرح انا خدودی
خفوا الحمول مش کده
قطفتوا لیه ورودی
عایز اکون انسان املك انا قوتی
متحضرولی الجان زهقنی انا سکوتی
ناده علیکو زمان یا خلق بدی اعیش
مش طالب انا مرجان
طالب رغیف العیش
عایز اکون انسان یحترمه اولاده
الذل لیه ادمان لواحد فقد ذاده

وشوش !!..

وميت وش عايش فيها
والكل عايز يكون وجهه
وناس ساكته الفقر باليها
وكله وخدها ليه متاجرہ
وناس محنيه على عودها
ما تلقى العيبه غير فيها
وناس الشيبه عنوانها
اذا خصموا تبين كل بلاويها
وناس فى الاصل لها عاشقه
تقدم مالها وعنيها
وناس لضميرها هنا بايعه
مع الفكه تقدم اردى ما فيها
و دنيا خسيسه اكيد فانيه
والكل طمعان يجنيها

قطر العيد...!!

وقطر العيد نهى عيدهم
وناس مبسوطه وقفالك
وهم الدنيا كسر ايدهم
ماشى وناسى ليه قفالك
يا قطر كفايه كده مالك
نسيتنا ونسيت سكتنا
تشيلنا ليه بس اهمالك
ليه عايز تملى تسكتنا
يا قطر العيد حياتنا كلها مره
فرح قلبنا بعيدنا ولو مره
وان زاد فرحنا امانه عليك ما تبعدنا

عكر الطين ..!!

خسيس في طبعه الاذى
صايد في عكر الطين
ناكر تاريخ الحدود
عايزنا نقول اسفين
طبال عايز منفعة
وشقف طبله تخين
عامل شجيع وبطل
معاق قاصد أسفين
تدفع تكون البطل
والشين هتبقى زين



وهاج النهر...!!

هاج النهر وموج كالجبال انهار على الفقير البئيس
انتشرت وتوغلت ذبذبات كانت في الماضي شئ ديس
كنا نظن ريحنا عاتيه سوف تقتلع كل امر رجيس
وجدنا ريحنا استطدم باعاصير اقتلعت منا اليا بس وتركت الخبيث



صوامع الحب ..!!

بنيت من بين نظراتك صوامع للحب
على ارتوى منها ايام جفاك
افض على بهمسات من بين اضلعك
لا تتركنى اذوب فيك اشتياق
افض اولاً تفض
فخزائن قلبي تمتلئ حين اراك



عائش من خيرها !!..

وكأنك ميت بصحيح
مع انك عائش من خيرها
عائش والمبداء تجريح
ليه اى مصيبه تشيرها
كم مره مت من الجوع
بتنام وبطنك على اخرها
لو شايلى هم الغلبان
متقولى ايه انت اديته
وكأنك للحق امان
لو تملك حقه لخبيته



جابت ولد ..!!

يا بلد جابت ولد واقف ع الحدود ددبان
رفض انه يغدر بيكى رفض انه يكون جبان
ومهما زاد العدا عدوان ورا عدوان
ابنك ومن صلبك جاهز لآى كيان
محروسه ومتغندره وكايده عزالك
ومهما زاد مكرهم غزلاه بمغزالك
نامى وتبغددى يا ست هنيالك
ابنك ده حامى الحما جاهز كرمالك



حامي الحدود !!..

قاعد تلمنى وانا اللى حامى ومؤمن حدودك
عايز تدمر نفسيتى يا عم غور انت وردودك
ناسى الخلاف ده اصله ايه ناسى عدوك يمكن لدودك
انت مين ولا انت ايه وتبقى ايه انت وشهودك
بلدك دى فيها ميت بطل جاهز يكون هو الضحيه
لارض جدودك



الصبر جميل !!

ولجل عيونها انا صابر يمكن يكون الصبر جميل
وهرضى بمرها الغادر دى بلدى ليها الف جميل
عشنا فيها ولاد تسعه لازم نسعى نزيح الغمه لو كت ليل
تزيدى فى همك انا راضى
اخاف ان تعيبى او جسمك ده يبقى عليل



فاهمين غلط !!..

مظلومة وسط ولادك فيكى الخسيس والدون
فيكى اللى طبعه ردى وجاهز انه يخون
فيكى اللى فاهم غلط واللى فى فكره جنون
فيكى اللى وسط البشر عامل شجيع الكون
وانتى فى عز المحن تملى صدر حنون
ديما تشوفى العقوق وتقولى اولادى
دمهما الضنا كان عاق دول سندی وزوادى
ملعون ابو اللى يكرهك وشامخه يا بلادى
ملعون ابو اللى يكرهك وشامخه يا بلادى



صابرين !!..

مهما يزيد فينا الوجد نصبر عشان خاطر ك
قابل اشم اردى ما فيكى لو سمك صبح عطرك
ومهما على صوت اللى كارهك قاصد ينول شطرك
قطر الخيانه مهما جرى عمرة ما سبق قطرك
صبيه طول عمرها ما صبها يوم الشيب
تمرض تقوم تانى وتد واصله عجيب



فين الولاء ..!!

اهو فين راح الولاء وسط ناس بتاكل في خيرها
خلق لابسه ميت رداء رامية ولاءها لغيرها
فكرهم فاق الوباء يدمروا في خط سيرها
عاملى فيها ميت بطل وكمان عاشقها و اسيرها
وانت في طبعك الخيانه خلقتك ماتت ضميرها
ولما تشتد المحن قوام تفكر في دمارها
اصحى وفوق من العفن اللى رافض يجبر خاطرها
فوق واصحى يلعن جدك
هتعيش بغل وتموت تور
حاجه غريبه بشوفها انا حدك
تفجر نفسك تلقى الحوار
قاعد تمدح في اللى بيهدك

اصلك خاين عايش فى الدور
فكر ماسونى ليه بيشدك
هى الهبله تجيب دكتور



خيانة..!!

قالوا الوطن وقالوا الخيانه
قالوا دويله فاقدده الامانه
وقالوا حرمة تحكيم قبيله
وحطوا جوزها سد خانه
قالوا الورع يخلف ابوه
ومنين جابوه ابن البنانه
حافى وراعى كان زمان
ناكر لخيرنا ابن الجعانه
ولما جينا نقوله عيب
بانة اصول اللى معانا



غواص ..!!

غوصى فى نهر الحب تمايلى و تراقصى عند الغروب
كونى منسجمة بماء النهر و انثريه بذقاق قلبى والدروب
انثرى و تفتحى ليفوح من عينكى ذبدات الامر المرغوب
يا قلب غاص فى نهر الحب مصيرك من قبل الغوص مكتوب
يا عشق فاض بعد الغوص فاجتاح جسورى وانفاسى
يا عشق فاض بماء النهر فكسانى من قدمى لراسى



يا بست !!

ياست خفى بقى وخلقى فى فعلك زين
من غير سلام وملام هبداء كلامى بسين
ليه نتمنى ليكى الخير تمنى انتى شين
سمعنا منك وعود وعودك ما شفتها عين
ليه ضى الامل خفته وزدتي علينا عين
يا مزوقين الكلام خلوا فى كلامكوا بيان
شيلوا من الكلام سحره وخلوه ففعلكوا بيان



هنعدل الكفه !!..

قولنا هنعدل بيهم الكفة
مالت الكفة بشكل عجيب
قالو المركب من غير دفه
وبمجدافها ماشية تعيب
قولنا نجرب يمكن نوزن
لقينا وليدنا صابه الشيب

ديناصور وتور كبير وغزاله شارده
وحكم غابة ما بين تلاته والغابه مارده
الديناصور له تاريخ من نيرانه سككنا حارده
والغزاله فى عز صيفنا مفهمانا الدنيا بارده
الغابه مليانه ارانب راضية تملى باى هرده

فجئه هاج التور عليهم اصله عنيد غاوى مطاردة
 قرر يدمر فى الارانب كل شئ لو حتى خرده
 قالوا نكلم الغزاله استحاله تقبل لتوبنا تهده
 اثبت التور للغزاة انه عنيد ووخدها فرده
 قالوا شوفوا الديناصور التور جبان امه قرده
 ظاط شوية الديناصور شافوا نارة لقيوها بارده
 عاند التور ع القضيه طولت قرونه كمان شويه
 لف عينه ع الضحيه وقال هخلص ابو وش صرده



صابرين معاكي !!

أنا صابر معاكي مهما الأسيه تزيد
ومهما زدتي في المواجه
انا تحت امرك جاهز شهيد
ومهما زدتي في العناد
أنا برضه صابر ع العناد صبري شديد
ابنك ومن لونك ضمانى بجفونك
وان يوم تعبتى برضو بيكى فخرى يزيد
ديابه وغلابه جمعهم التيار
فى وسط كوخ الزمن
غزلان على اشرار
برضو انا صابر دا الزمن دوار
راضى وبقول حاضر بكره هتبقى عمار

متري ع النداله !!..

اللى توبا على النداله سهل يكون تباع
واللى غاوى منظره قرنه كبير مرياع
واللى الرياء صنعته دوره يبنى تباع
زرع الخسيس ان على بقرش ساغ يتباع



الشمس فارشه النور..!!

فى عز ضى النهار والشمس فارشه النور
صدر اسوء قرار والطابق ما عاد مستور
وتارخنا واقف زنهار و ديا به بره الصور
ومستثمر بكده تعب بيقول تاريخنا بور
عايز ينول منفعه لو حتى يهد قصور
حتى مريضة النفس بتقول مكان مهجور
ده اصله مرتع نغم سمعت الغفير بيقول
ومنين هيچيكى الكلام غير مالى لازمه الدور



المقصلة ..!!

يا ست يا مأسله وكلامك لصرفه عديم
من امتى كانت المقصله سيفها تلم وقديم
كلام سيادتك يا هانم ممحون وعامل رجيم
خلى كلامك ميزان وزنه بوزن حكيم
علشان شوية فلوس تقولى تاريخنا قديم
تاريخنا قديم ده شرف فين دورك فى ترتيبه
جدرانہ اثريه فيها التراب بالقوم يزنا ترتيبه
قولى لحضرت جنابه العيب صبح عيبه
مهما تاريخنا قدم يزينا مهما زاد شيبه



أنظر حولك !!

انظر للعالم من حولك
تلقى انك شعب ظريف
فرخة حاحا دي اسطوره
تسمع عنها تملى رغيف
تسمع منها حاحه مشهوره
تشوف افعالها تقول يا لطيف
حاحا دا فاسد ومريبها
على نهج ما يعرفش شريف
حاحا مزوق فرخة حاحا
داهن ريشها الوان الطيف
فرخة حاحا كل كلامها عن سيف حاحا
وحاحا سيفه عايز تنضيف
ومن سيف حاحا لفرخة حاحا وكبريت حاحا
عايزين جاز غالى ونضيف

صرخة آه..!!

وفى كل صرخة آه فى شجن يعبر ع اللى جوانا
دبنا للهوا دوبنا وداب الحب ويانا
وكان فى الحب نغمة طير بغناها يحلو هوانا
والنسيم والورد ميعرفوش بعضهم الا بلقانا
كنا لما نظير ننسى الكون والوصل بنا نسانا
دبنا للهوا دوبنا وداب الحب ويانا
كانت تضمنا حكايات تاهو فى وصفها العشاق
الربيع غار مننا ومن حبناصبح غاوى اشتياق
كان الربيع حيننا باعت نسيمه يفتح وروده
ولكل تنهيده سحرها تحلى جمال عوده
عشق الربيع حبناوبعت عبيره يتمنى رضانا
دوبنا للهوا دوبنا وداب الحب ويانا

حكم القدر صابني..!!

غريب ما بين الناس حكم القدر صابني
تايه في عز النور بكلام يعصبي
وليه يكون القدر غريب بما صابني
راضى بحكم القدر ولا قولت ايه جانبي
عايش في دنيا المطاعم فيها الخسيس والدون
تغريبه بلا رغبه حكم القدر والكون
اهرب بعيد الناس احسن ما اعيش مجنون
ربك كبير له حكم وامره بين كاف نون
الندل مهما على قليل الاصل يخون
واللى الذهب معدنة قلبه كبير ويصون



الحلوه ماشيه بتدل !!..

الحلوه ماشيه بتدل مشدودة العود
لها رمش عين لو يوم بصت تقع ممدود
الكحل مرسوم ربانى ديما محدود
خلخالها تسمع رناته ولا نغمت عود
الوش فاكهة فكهانى احمر الخدود
البوق سليمانى فروله شابطه فى عنقود
الحلوه ماشيه بتدل مشدودة العود
لها رمش عين لو يوم بصت تقع ممدود
خايف عليكى ليشوفوكى الناس
وبكلمه طايشه وبعيونهم يجرحو الاحساس
قوام وماشى بيدلح والخطوه مقاس
غزال وماشى قصاد عينى قده مياس

وانا مهما اقول واعيد فيكى كلامى محدود
الحلوه ماشيه بتدل مشدوده العود
لها رمش عين لو يوم بصت تقع ممدود

بين ماضى ضارب جذوره
وبين حاضر تاهت ملامحه
تلقى رصاص الغدر بادر بدوره
عايز يفكك فى الرباط منه جوارحه
ومهما الالم صاب الضلوع وفاق بدوره
دا ياما رباط الود مربوط فى حزنه وجرحه
دم اخويا اللى فى دارى
صابه غدر خسيس جبان
قال الهلال الصليب ده جارى
وفى موازى دايين تدان
ده اصله طيب مالى الحوارى

كتفه بكتفى جوا الذقاق او فى الميدان
هو بدينه راجل قرارى
وانا امر دينى اديه امان



عايز اقول عنك كلام..!!

عايز اقول عنك كلام

بس خايف يكون كلامي في حقك انتي شئ قليل

امي مهما قولت عنك مقدرش ارد ليكي الجميل

لما كنت جوه منك كنتي تدعي تقولي يجي راح

اقدم المستحيل

لما جيت شرفت ياما

في عز تعبك من الولاده ضمتك كانت زياده ضمت

قمر لليل طويل

ولما كنت اتعب يا امي كنت جنبى كنتي تقوى في

جسمى الهزيل

واول ما خطيت عتبتك فرحتك كانت زياده

حاسه اني في الرياده بخطوتي اللي يدوبها خطت



واللى يدوبها كانت شيلانى شيل
امى مهما قولت عنك مقدرش ارد ليكى الجميل
دعوتك كانت يا امى صلبه ضهرى فى الشدايد
كنت لما اشوف صعب بدعوتك احسن انى جامد



غدار...!!

عايز ايه من قلبى تانى بعد غدرك
جاي بتحكى عن الامانى وتقولى عذرك
كنت فين لما الفراق شق طريق حزنه فى قلبى
كنت بتمنى اكون طول عمرى جنبك
ياللى فى بعدك دبلت ورود كانت تفتح لما تشوفك
كنت تقرب الربيع يخبى زهوره ويكفى طيفك
جاي تقولى عايز تعود بعد ما زدت انت كسوفك
كنت فين كنت فين وقت ان انا بتمنى اشوفك



صوت الأنين واحد !!

رغم اختلاف الوجد صوت الانين واحد
والظلم زاد في الغيوم ما سبش ولا واحد
وناس رغم قهرها همومها على الواحد
اللى طريقه عوج وزرعه نبت فيه
يجنى ثمار زرعه يلقي البلاده فيه
بحرين ونهر كبير بس الشبك مخروم
النهر صابه العوج قال من السمك محروم
قوت الغلابه خلاص عريان وكله هموم
اللى الحرام منبعه مليانه بطنه سموم



ملهمتي ..!!

ملهمتی حکایہ وقصہ کبیرہ
قدرة تخطف تاخذ عقلی
سكنت روحی يدوب ع السيره
حلت كل صعب فی مشاکلی
ملهمتی .
جوه مشاعری کلام راح اقوله
جایز یوصل تعرفی شکلی
قلب کبیر محتاج تصویره
ساکن جوه فی کون تاه شکله



خيوط العنكبوت !!..

المهنة مدافع ع الفساد
رافض رموز الانتقاد
كل خيوط العنكبوت
متوصله بايدى اليمين
بيت الحرير كله شذوذ
والفكر غايب من سنين
ليه العبايه مرقعه على كل لون
اصلك سلاله من البشر صابها جنون
قاعد تعرض فى اللى ناسى دوره دون
قاعد تمجد فى الفساد كأنه امون



تتوه الآها جونا..!!

يتوه نهارنا ما بين ليلنا
ونصرخ تانى بعلو الصوت
ومليون اها تقتلنا
يتوه الحق على الباطل
فى نهج قديم يكسرنا
وبين التوها والزحمه
حقوق تايهه بلا رحمه
ومكسوره خواطرنا



الفهرس

رقم الصفحة	اسم القصيدة	م
١	بلدي...!!	١
٢	صراخ...!!	٢
٣	الفجر بان ضيه...!!	٣
٤	كاسات الهم...!!	٤
٥	جمال أصلك...!!	٥
٦	داسو عليهم...!!	٦
٧	يا بحر...!!	٧
٨	ظالمني...!!	٨
١٠	نار البعد...!!	٩

رقم الصفحة	اسم القصيدة	م
١٢	وردة قلبي ..!!	١٠
١٣	تايهين ..!!	١١
١٤	خط القلم ..!!	١٢
١٥	الأرض الطيبة ..!!	١٣
١٦	مين هيحس بيك ..??	١٤
١٧	يا غربتي ..!!	١٥
١٨	بياعين الكلام ..!!	١٦
١٩	طريق الحبايب ..!!	١٧
٢٠	نهر الحب ..!!	١٨
٢١	هروب ..!!	١٩

رقم الصفحة	اسم القصيدة	م
٢٢	عويل وحاله اتقلب...!!	٢٠
٢٣	مكانك في القلب...!!	٢١
٢٤	احتاروا فيك الاطبه...!!	٢٢
٢٥	دموع العين...!!	٢٣
٢٦	زيدوا الوجع...!!	٢٧
٢٧	ابنى مات...!!	٢٥
٢٨	ليه الزمن ينعاب...!!	٢٦
٢٩	غاوي تعب...!!	٢٧
٣٠	الدنيا فياضة...!!	٢٨
٣١	١٠٠ ورده...!!	٢٩

رقم الصفحة	اسم القصيدة	م
٣٢	قدري ..!!	٣٠
٣٣	وليه ترحل ..!!	٣١
٣٤	دود الارض ..!!	٣٢
٣٥	توب العويل ..!!	٣٣
٣٦	على كل لون هنشوف ..!!	٣٤
٣٧	عيش وملح ..!!	٣٥
٣٨	يا دنيا ..!!	٣٦
٣٩	الزرع ناقص ري ..!!	٣٧
٤٠	مر الكاسات ..!!	٣٨
٤١	الهم بالكيهه ..!!	٣٩

رقم الصفحة	اسم القصيدة	م
٤٢	يا مزوقين الكلام !!..	٤٠
٤٣	مجروح !!..	٤١
٤٥	حسبة بورما !!..	٤٢
٤٧	نزيف الدمع !!..	٤٣
٤٨	جنينا ع الحب !!..	٤٤
٥٠	مهما طال البعد !!..	٤٥
٥٢	طمعان في بكره !!..	٤٦
٥٣	طواف !!..	٤٧
٥٤	شايل همومي جبال !!..	٤٨
٥٥	وشوش !!..	٤٩

رقم الصفحة	اسم القصيدة	م
٥٦	قطر العيد !!..	٥٠
٥٧	عكر الطين !!..	٥١
٥٨	وهاج النهر !!..	٥٢
٥٩	صوامع الحب !!..	٥٣
٦٠	عايش من خيرها !!..	٥٤
٦١	جابت ولد !!..	٥٥
٦٢	حامي الحدود !!..	٥٦
٦٣	الصبر جميل !!..	٥٧
٦٤	فاهمين غلط !!..	٥٨
٦٥	صابرين !!..	٥٩

رقم الصفحة	اسم القصيدة	م
٦٦	فين الولاء !!..	٦٠
٦٨	خيانة !!..	٦١
٦٩	غواص !!..	٦٢
٧٠	يا ست !!..	٦٣
٧١	هنعدل الكفه !!..	٦٤
٧٣	صابرين معاكي !!..	٦٥
٧٤	متربي ع النداله !!..	٦٦
٧٥	الشمس فارشه النور !!..	٦٧
٧٦	المقصلة !!..	٦٨
٧٧	أنظر حولك !!..	٦٩

رقم الصفحة	اسم القصيدة	م
٧٨	صرخة آه...!!	٧٠
٧٩	حكم القدر صابني...!!	٧١
٨٠	الخلوه ماشيه بتدل ..!!	٧٢
٨٣	عايز اقول عنك كلام...!!	٧٣
٨٥	غدار ..!!	٧٤
٨٦	صوت الأئين واحد ..!!	٧٥
٨٧	ملهمتي ..!!	٧٦
٨٨	خيوط العنكبوت ..!!	٧٧
٨٩	تتوه الآها جوانا ..!!	٧٨